

НЕДЕЛЯ МЯСОПУСТНАЯ

В СУББОТУ ВЕЧЕРА

На вечерни, по предначинательном псалме обычное стихословие. На Гóсподи воззвах, поставим стихов 10. И поем Осмогласника стихиры воскресны 3, и анатолиевы 3.

И Триоди дне подобны 4, глас 6.

Подобен: Всю отложивше:

Егда хóщеша приити, суд праведный сотворити, / Судие праведнейший, на престóле славы Твоея седяй, / река óгненная пред Твое судилище ужасающая влечёт всех, / предстоящим Тебе небесным силам, / человеком же судимым страхом, якоже ко́ждо содела: / тогда нас пощади, и части Христé сподóби спасаемых, яко благоутрóбен, / véрою молим Тя.

Кни́ги разгнóтся, явлена́ бóдут дея́ния челове́ков, / пред нестерпимым судилищем: / возшумит же юдо́ль вся стра́шным скрежетанием пла́ча, / вся видящи согрешившия, / вечно́ющим му́кам, судом праведным Твои́м отпуска́емая, / и безде́льно пла́чущия Ще́дре. / Те́мже Тя молим, Бла́же: / пощади́ нас пою́щих Тя, / еди́не Многоми́лостиве.

Возглася́т трубы́, и истоща́тся грóбы, / и воскрэ́снет челове́ческое все естество́ трепещущее, / до́брая содея́вшии, в ра́дости ра́дуются, / ча́юще мзду восприя́ти: / согрешившии же трепещут, лю́те рыда́юще, / в му́ку посыла́еми, и от избра́нных разлуча́еми. / Гóсподи сла́вы, уще́дри нас яко́ Благий, / и части сподóби возлюбивших Тя.

Плачу́ и рыдаю́, / егда́ в чувство́ прииму́ о́гнь вечно́й, / тьму́ кромешную́, и тартар, лю́тый червь, / скрежет же па́ки зу́бный и непреста́нный, / бо́лезнь иму́щу бы́ти без ме́ры согрешившим, / и Тебе́ преблага́го нра́вом лука́вым прогна́вавшим, / от ни́хже еди́н и пе́рвый есмь аз ока́янный, / но Судие́, ми́лостию Твое́ю спаси́ мя, / яко́ благоутрóбен.

Слава, глас 8: Егда́ поставя́тся престóли и отвéрзутся кни́ги, / и Бог на суде́ сядет, / о кий страх тогда́ а́нгелом предстоя́щим в стра́се, / и реце́ óгненной влеку́щей! / Что сотвори́м тогда́ во мно́гих гресéх повинни́и челове́цы? / Егда́ же услы́шим зову́ща Егó, благослове́нныя Отца́ в Ца́рство, / грешны́я же отсыла́юща в му́ку. / Кто потерпит стра́шнаго о́наго изрече́ния? / Но еди́не Человеколю́бче Спа́се, Царю́ веко́в, / пре́жде да́же кончи́на не приспе́ет, / пока́нием обратив, поми́луй мя.

И ныне, Богородичен 1-й, гласа. Вход. Свете тихий: Прокимен: Гóсподь воцари́ся: **И прочее.**

На литии, Слава, самогласен, глас 7:

Гóсподни разуме́вше за́поведи, та́ко поживе́м: / а́лчущия напитáим, жа́ждущия напо́им, наги́я облече́м, / страна́ныя введе́м, боля́щия и в темни́це сущия посети́м. / Да рече́т и к нам хотя́й суди́ти всей земли́: / прииди́те благослове́ннии Отца́ Моегó, / насле́дуйте угото́ванное вам Ца́рствие.

И ныне: Под кров Твой Влады́чице, / вси земноро́днии прибега́юще вопие́м Ти: / Богорóдице упова́ние на́ше, / изба́ви ны от безме́рных прегреше́ний, / и спаси́ ду́ши на́ша.

На стиховне стихиры Осмогласника по алфавиту.

Слава, глас 8: Уви́ мне мра́чная ду́ше, / доко́ле от злых не отрева́ешия? / Докóле уны́нием слези́ши? / Что не помышля́еши о стра́шном часе́ сме́рти? / Что не трепещи́ши вся стра́шнаго суди́ща Спа́сова? / Убо́ что отвещáеши? / Или́ что отрече́ши? / Дела́ твоя́ предсто́ят на обличе́ние твоё, / дея́ния облича́ют клевету́ща. / Проче́е о ду́ше, вре́мя наста́: / тецы́, предвари́, véрою возопи́й: / согреших, Гóсподи, согреших Ти, / но вем, Человеколю́бче,

благоутрѣбие Твое, Пастырю добрый, / да не разлучиши мене одесную Тебе предстояния, / великия ради милости Твоея.

И ныне, Богородичен: Безневѣстная Дѣво, / Яже Бога неизреченно зачѣнши плѣтию, / Мати Бога Вышняго, / Твоих рабов мольбы приими, Всенепорочная, / всем подаючи очищение прегрешений, / ныне наша молѣния приемлющи, / моли спастися всем нам.

Отпустительный: Богородице Дѣво, радуйся: трижды. **И прочее последование бдения.** **И бывает чтение в Деяниях апостольских.**

НА УТРЕНИ

Бог Господь, на глас тропаря Осмогласника. Тропарь воскресный, и Богородичен, и обычное стихословие. Чем же и о нищелюбии слово Богослова, на три деления, егоже начало: Мужие братье, и соубози: **И полиелей.** Обычныя два псалма: припеваем же к сим и третий псалом со аллилуиею красною:

Псалом 136.

На реках Вавилонских, тамо седохом и плакахом, вегда помянути нам Сиона. **Аллилуиа.** На вербих посреде его обесихом органы наша. **Аллилуиа.** Яко тамо вопросиша ны пленшии нас о словесех песней и ведшии нас о пении. **Аллилуиа.** Воспойте нам от песней Сионских. **Аллилуиа.** Како воспоем песнь Господню на земли чуждей? **Аллилуиа.** Аще забуду тебе, Иерусалиме, забвена буди десница моя. **Аллилуиа.** Прильпни язык мой гортани моему, аще не помяну тебе, аще не предложу Иерусалима, яко в начале веселия моего. **Аллилуиа.** Помяни, Господи, сыны Едомския, в день Иерусалимль, глаголющия: истощайте, истощайте до оснований его. **Аллилуиа.** Дщи Вавилоны окайнная. Блажен иже воздаст тебе воздаяние твоё, еже воздала еси нам. **Аллилуиа.** Блажен иже имет, и разбиет младенцы твоя о камень. **Аллилуиа.**

Степенны гласа. Прокимен, и Евангелие утреннее рядовое. Воскресение Христово: псалом 50.

Слава, глас 8: Покаяния отверзи ми двери, Жизнодавче, / утренюет бо дух мой ко храму святому Твоему, / храм носяй телесный весь осквернен: / но яко щедр, очисти / благоутрбною Твоею милостию.

И ныне, Богородичен: На спасения стези настави мя, Богородице, / студными бо окалях душу грехми, / и в лености все житие мое иждих: / но Твоими молитвами / избави мя от всякия нечистоты.

Таже, глас 6: Помилуй мя, Бже, / по велицей милости Твоей, / и по множеству щедрот Твоих, / очисти беззаконие мое.

Множества содеянных мною лютых помышляя окайнный, / трепещу страшнаго дне суднаго: / но надеяся на милость благоутрбия Твоего, / яко Давид вопию Ти: / помилуй мя, Бже, / по велицей Твоей милости.

Канон воскресен, и Богородицы на 6: и Триоди на 8.

Канон, творение господина Феодора Студита, глас 6.

Песнь 1.

Ирмос: Помощник и покровитель:

День страшный всенеизглабланнаго Твоего пришествия страшуся помышляя: / убоявся провижду, вонже председаши судити живыя и мертвыя, / Бже мой Всесильне.

Егда приидеши Бже, / во тьмах и тысящах ангельских, небесных начал, / и мене окайннаго, срести Тя Христѣ на облацех сподоби.

Гряди́, приими́ душе́ моя́, той час и день, / егда́ Бог я́ве надста́нет, / и рыда́й, пла́чи, обрести́ся чиста́ в час истязáния.

Ужасает мя и страшит огонь негасимый геенский, / червь горький, скрежет зубо́в, / но осла́би ми, оста́ви, / и стоя́нию мя, Христэ́, избра́нных Твои́х соучини́.

Возжелéннаго Твоего́ гласа, / святы́я Твоя́ зову́щаго на ра́дость, / да услы́шу и аз ока́янный, / и обря́щу Ца́рствия Небе́снаго неизрече́нное наслажде́ние.

Не вни́ди со мно́ю в суд, / нося́й моя́ дея́ния, словеса́ изыску́яй, и исправля́яй стремле́ния, / но щедро́тами Твои́ми презира́я моя́ лю́тая, / спаси́ мя Всеси́льне.

Слава, Трои́чен: Триипоста́сная Еди́нице, / нача́льнейшая Госпоже́ всех, совершеннoначальное прена́чалие, / Сама́ нас спаси́, О́тче и Сы́не и Ду́ше Пресвяты́й.

И ныне, Богороди́чен: Кто роди Сы́на, несéянна О́тчим зако́ном? / Сего́ ўбо ражда́ет О́тец без ма́тере. / Пресла́вное чу́до! / Ты бо родила́ еси́ Чистая́, Бо́га вку́пе и Челове́ка.

Катавасия: Помо́шник и покрови́тель бысть мне во спасе́ние, / Сей мой Бог, и просла́влю Его́, / Бог о́тца моего́, и вознесу́ Его́: / сла́вно бо просла́вился.

Песнь 3.

Ирмос: Утверди́, Го́споди:

Госпо́дь грядёт, и кто стерпит́ страх Его́? / Кто явится́ лицу́ Его́? / Но гото́ва бу́ди, о душе́, ко срётению́.

Предварим́, пла́чем, примирим́ся Бо́гу пре́жде конца́: / стра́шно бо суди́ще, на нёмже вси обнаже́ни ста́нем.

Помилуй́ Го́споди, помилуй́ мя, вопио́у Ти, / егда́ приидеши со а́нгелы Твои́ми / отда́ти всем по досто́янию дея́ний.

Нестерпимый́, Го́споди, гнев, ка́ко стерплю́ суда́ Твоего́, / преслу́шав Твоё повелéние? / Но пощади́, пощади́ мя в час суда́.

Обрати́ся, воздохни́ душе́ ока́янная, / пре́жде да́же жити́я торжест́во конца́ не при́имет, / пре́жде да́же двéри черто́га не затвори́т Госпо́дь.

Согреших́, Го́споди, я́коже иный́ никто́же от челове́к, / прегрешив́ па́че челове́ка: / пре́жде суда́ ми́лостив бу́ди ми, Человеколю́бче.

Слава, Трои́чен: Трби́це прóстая, несозда́нная, / безнача́льное Естество́ в Трби́це воспевáемое Ипоста́сей, / спаси́ ны, véрою покланя́ющиеся держа́ве Твоёй.

И ныне, Богороди́чен: Прозяб́ла еси́ Пречи́стая безсе́менным Рожде́ством живо́е Сло́во, / воплощённое во утробе́ Твоёй, непрелóжное: / сла́ва Богома́ти, Рожде́ству Твоему́.

Катавасия: Утверди́, Го́споди, на ка́мени за́поведей Твои́х / подви́гшееся се́рдце моё, / я́ко еди́н Свят еси́, и Госпо́дь.

Седален, глас 6:

Помышляю́ день стра́шный, / и пла́чуся дея́ний мои́х лука́вых: / ка́ко отвеща́ю безсме́ртному Царю́? / Ко́им же дерзнове́нием воззрю́ на Судию́ блу́дный аз? / Благоутро́бный О́тче, Сы́не Единоро́дный, Ду́ше Святы́й, помилуй́ мя.

Слава: Во юдо́ли пла́ча, / в ме́сте е́же положи́л еси́, егда́ сядеши́ Ми́лостиве, / сотвори́ти пра́ведный суд, / не объя́ви моя́ та́йная, / ниже́ посрами́ мене́ пред а́нгелы, / но пощади́ мя, Бо́же, и помилуй́ мя.

И ныне, Богороди́чен. Упование́ мира блага́я Богороди́це Де́во, / Твоё и еди́ное стра́шное предста́тельство молю́: / умилосе́рдися на удо́бообстоя́тельныя лю́ди, / умоли́ ми́лостиваго Бо́га, / изба́вится душáм на́шим от вся́каго преще́ния, / едина́ благослове́нная.

Песнь 4.

Ирмос: Услыша пророк:

Наста день, уже при двѣрех суд, душе бодрствуй, / идеже царие вкупе и князи, богати и убозии собираются / и воспримет по достоянию содеянных от человек кийждо.

В чину своем, монах и иерарх, / старый и юный, раб и владыка истяжется, / вдовица и дева исправится: / и всем горе тогда, не имевшим житие неповинное.

Неумытный суд Твой, неутаенное Твое судище хитрословия, / не витий художество крадущее, / не свидетелей непщевание отражающее праведное, / в Тебе бо, Бозе всех, сокровенная предстоят.

Да не прииду в землю плача, / да не вижду место тьмы, Христе мой Слове, / ниже связан буду руками и ногами, / вне чертога Твоего изверженный, / одежду нетления оскверненную имеяй всеокаянный.

Внегда отлучиши грешныя от праведных, судяй миру, / единого от овец мя Твоих сопритчи, / от козлищ разлучая мя, Человеколюбче, / во еже услышати гласа онаго благословеннаго Твоего.

Испытанию бываему, / и книгам отверзаемым содеянных, / что сотвориши, о душе окаянная? / Что отвещаеши на судищи, / не имущая правды плоды принести / Христу и Содетелю твоему?

Слыша богатаго во пламени муки рыданословия, / плачуся и рыдаю окаянный, / тогжде сый осуждения, и молюся: / помилуй мя, Спасе мира, во время суда.

Слава, Троичен: Сына от Отца, и Духа славлю, яко от солнца свет и лучу: / Оваго убо рождественне, / зане и рождение, Оваго же происходне, зане и происхождение, / собезначальную Божественную Троицу, / поклоняемую от всякия твари.

И ныне, Богородичен: Дева Младенца родившая, / и чистоту соблюдшая, Чистая Ты явилася еси / Бога рождши и Человека, / единого Того во обою зраку: / чудо Твое, Дево Мати, / ужасает всякий слух и помысл.

Катавасия: Услыша пророк пришествие Твое, Господи, и убояся, / яко хощеши от Девы родитися, / и человеком явитися, и глаголаше: / услышах слух Твой, и убояхся, / слава силе Твоей, Господи.

Песнь 5.

Ирмос: От ноши утренюющая:

Трепет неисповедимый, и страх тамо: / придет бо Господь, и дело с Ним коегождо от человек, / и кто отсюду прочее себе не восплачет?

Река огненная смущает мя, истаявает мя, / стружет мя скрежет зубов, тьма бездны: / и како, или что содеяв, Бога умилостивлю?

Пощади, пощади, Господи, раба Твоего, / да не когда предаси мене горьким мучителем ангелом лютым: / в ниже несть тамо покоя обрести.

Князь и вождь тамо вкупе, богатый и безславный, / великий купно и малый исправится равно: / горе комуждо прочее неуготовленному.

Ослаби, остави Господи, и прости елика Ти согреших, / и не покажи мя тамо пред ангелы во осуждении огня, / и студа некончаемаго.

Пощади, пощади, Господи, создание Твое: / согреших, ослаби ми, / яко естеством чистый, Сам еси един, / и иный разве Тебе никтоже есть вне скверны.

Слава, Троичен: Единцу естеством Тя, Троице, воспеваю, / безначальную, непостижную, / начальственное, царское, пресовершенное единство, / Бога, и Света, и Живота, и Содетеля миру.

И ныне, Богородичен: В Рождествѣ Твоѣм паче естества Чистая, / закони естества Тебѣ разорѣшася яве, / ꙗко без семени раждаеши Превѣчнаго Бѣга, / от Отца рождѣннаго.

Катавасия: От нѣщи ѹтреннююща, Человеколюбче, / просветѣ, молюся, / и настаѣи и мене на повелѣния Твоя, / и научѣ мя, Спасе, творѣти волю Твою.

Песнь 6.

Ирмос: Возопѣх всем сердцем:

Во страшнем, Христѣ, пришествии Твоѣм, егда явишися с Небесѣ, / и поставятся престолѣ, и книги разгнутся, / пощадѣ, пощадѣ тогда, Спасе, создание Твое.

Тамо ничтоже помощи может, Бѣгу сущу Судий, / ни тщание, ни козни, ни слава, ни дружба, / разве от дел крепость твоя, о душе моя!

Тамо вкупе князь и вождь, нищій и богатый, душе, / ни отец возможет ни матери помогающіи, / ни избавляяй брат осужденія.

Страшное, душе, истязание помышляющіи Судиинѣ, / ужаснѣя отсюду, уготѣви слово, / да не осудишися ѹзами вѣчными.

Возми твое, да не услышу, Господи, отсылаемъ от Тебѣ, / ниже, еже поидѣ во огнь проклятых, / но возжелѣннаго гласа праведных.

Адских врат избави мя, Господи, / пропасти, и тьмы несветимыя от преисподних, и огня негасимаго, / и всякія инѣя муки вѣчныя.

Слава, Троицен: Троичнаго единства Божество пою, / Отца, и Сына, и Божественнаго Духа, / единаго начала державу, / соразделяемаго тремѣ начертаньми.

И ныне, Богородичен: Дверь Ты еси, Юже един прѣйде вшедый и изшедый, / и ключи не разрешивый дѣвства, Чистая, / Исус создавый Адама, и Сын Твой.

Катавасия: Возопѣх всем сердцем моим / к щедрому Бѣгу, / и услыша мя от ада преисподняго, / и возведѣ от тли живѣт мой.

Кондак, глас 1:

Егда приидеши, Бѣже, на зѣмлю со славою, / и трепещут всяческая, / река же огненная пред судищем влечѣт, / книги разгибаются, и тайная являються, / тогда избави мя от огня негасимаго / и сподоби мя одесную Тебѣ стати, Судие Праведнейший.

Икос: Страшное судище Твое помышляя, преблагій Господи, и день судный, / ужасаюся, и боюся, от совести моея обличаемъ, / егда имаше сѣсти на престолѣ Твоѣм, и творѣти испытание: / тогда отрещіся грехѣв никтоже возможет, / истине обличающей, и боязни содержащей: / вельми ѹбо возшумѣт тогда огнь геенскій, / грѣшницы же возскрежѣшут. / Темже мя помилуй прѣжде конца, и пощадѣ мя, Судие Праведнейший.

Синаксарь.

Песнь 7.

Ирмос: Согрѣшихом, беззаконновахом:

Припадѣм и восплачемся прѣжде суда онаго вѣрнии, / егда небеса погѣбнут, звѣзды спадут, и вся зѣмля поколеблѣтся, / да милостива обрящемъ в концѣ отцев Бѣга.

Неумѣтное истязание, страшный есть тамо суд, / идеже Судия неутаенъ есть, идеже лица несть в дарѣхъ пріяти: / тогда пощадѣ мя, Владыко, и избави всякаго гнѣва Твоего страшнаго.

Господь грядѣт судити, кто стерпит видение Его? / Вострепещи душе окаянная, вострепещи, / и уготѣви исходящю дела твоя, / да милостива и милосерда обрящещи Его, / отцев Бѣга благословенна.

Негасимый огнь смущает мя, / горчайший червѣй скрежет, / ад душетлѣнный страшит мя, / благоумѣлен отнюд не бываю. / Но Господи Господи, прѣжде конца / утверди мя страхом Твоим.

Припадаю Ти, и приношу Тебе якоже слёзы глаголы моя: / согреших, якоже не согрешил блудница, / и беззаконновах, яко иный никтоже на земли. / Но ущедри, Владыко, творение Твое, и призови мя.

Обратися, душе, покайся, открий сокровенная, / глаголи Богу вся ведущему: / Ты веси моя тайная едины Спасе, / но Сам мя помилуй, якоже поёт Давид, по милости Твоей.

Слава, Троицен: Три, едино Существом, и едино Лицами, Три пою Сия: / Отец, Сын, и Святыи Дух, / едина сила, хотение и действо. / Един Бог Трисвятыи, / Царство едино единоначальнейшее.

И ныне, Богородичен: Проходит краснейший от чертога чрева Твоего Бог, / якоже Царь одянный боготканною багрянницею, / обагрения тайнаго пречистых кровей Твоих, Безневестная, / и царствует землю.

Катавасия: Согрешихом, беззаконновахом, / неправдовахом пред Тобю, / ниже соблюдохом, ниже сотворихом, / якоже заповедал еси нам, / но не предаждь нас до конца, отец Бже.

Песнь 8.

Ирмос: Егоже воинства небесная:

Страшнаго втораго Твоего, Господи, пришествия помышляя сретение, / трепещу прещения Твоего, / боюся гнева Твоего, / от сего мя часа зову, спаси во веки.

Тебе, Богу судящу всяческая, / кто стерпит земнороден, сый страстен? / Негасимый бо огонь тогда, и червь скрежещущий вельми, / осужденныя примет во веки.

Всякое дыхание егда призовеши, еже разсудити Христе вкупе: / великий страх тогда, велия нужда, / токмо помогающим деянием во веки.

Всех Судие, Бже мой и Господи, / да услышу тогда гласа Твоего вожеленнаго, / да увижду свет Твой великий, / да узрю вселения Твоя, / да узрю славу Твою, / радуясь во веки.

Правосуде Спасе помилуй, / и избави мя огня и прещения, / егоже мне на суде праведно подъяти, / ослаби ми прежде конца, добродетелию и покайнием.

Егда сядеши, Судие, яко благоутробен, / и покажеши страшную славу Твою, Христе, / о кий страх тогда, пещи горящей, / и всем боящимся нестерпимаго судища Твоего!

Благословим Отца и Сына и Святаго Духа, Господа.

Единаго Бога по Существоу чту, / Три Ипостаси пою определительне, иныя, но не инаковыя, / понеже Божество едино в трех Лицах, / ибо Отец, и Сын, и Божественный Дух.

И ныне и присно и во веки веков, аминь.

Богородичен: Из светлейшаго чрева Твоего прошед, / яко Жених из чертога возсия Христос, / Свет велии сущим во тме, / ибо правды Солнце облистав, просвети, Чистая, мир.

Хвалим, благословим, поклоняемся Господеву, поюще и превозносяще во вся веки.

Катавасия: Егоже воинства небесная славят, / и трепещут херувими и серафими, / всяко дыхание и тварь, / пойте, благословите и превозносите во вся веки.

Песнь 9.

Ирмос: Безсеменнаго зачатия:

Господь грядет грешныя мучити, праведныя же спасти: / восплачемся, и возрыдаим, и примем чувство онаго дне, / вонже безвестная и тайная открыв, / человеком отдаст по достоинству.

Пристрашен и трепетен бысть Моисей, видя Тя от задних: / како же постою, лице Твое видя тогда аз окаянный, егда приидеши с Небес? / Но пощади мя, Щедре, милостивным Твоим призрением.

Даниїл убойся часа истязанія, / аз же окаянный что постражду от него, грядый Господи, страшнаго дне, / но даждь ми прежде конца благоугодно Тебе послужити, / и улучити Царствие Твое.

Огнь готóвится, червь устрóяется: / весéлие, сла́ва, ослаблéние, свет невечéрний, радóсть праведных: / и кто блаженнй избéгнути не восхóщет мучéния пёрвых, наслéдивый вторая?

Да мя не отвратит от лица Твоего, Господи, ярость Твоего гнева, / ниже да услышу гласа кля́твеннаго, во óгнь отсылающаго, / но да вниду в радóсть нетлénнаго Твоего черто́га и аз тогда со святы́ми Твоими.

Ум уязвися, тело острупися, болéзнует дух, / слово изнемо́же, жити́е умертвися, конéц при двéрех. / Тёмже окаянная моя́ душé, что сотвори́ши, / егда́ придет Судия испытати твоя́?

Слава, Троичен: Еди́наго Единородителю, / единорóднаго Сы́на Óтче, и еди́не еди́наго Свёте, Свёта сия́ние: / и еди́ный еди́не еди́наго Бо́га, Святы́й Ду́ше, Господа́ Господь, воистинну сый. / О Трои́це Еди́нице Свята́я! / Спаси́ мя, богослóвца Тя.

И ныне, Богородичен: Чудо Рождества́ Твоего́ удивля́ет мя, Всенепорóчная, / како́ зачина́еши безсе́менно необы́меннаго? / Рцы, како́ де́вствуеши ро́ждши́ яко́ Ма́ти? / Еже па́че естества́ ве́рою приём, Рождéнному поклонис́я, / елика́ хóщет бо, и мо́жет.

Катавасия: Безсе́ннаго зачат́я / Рождество́ несказáнное, / Ма́тере безму́жн्या нетлéнен Плод, / Бо́жие бо рождéние обновля́ет естества́. / Тёмже Тя вси́ роди́, яко́ богоневéстную Ма́терь, / правосла́вно велича́ем.

Ексапостиларий. Таже настоящий.

Подобен: Со ученики́ взы́дем:

Стра́шный день суда́, и неизречéнныя Твоея́ сла́вы, помышля́я / трепéщу, Господи, вся́ко, и трясы́йся страхом вопи́ю: / на зéмлю егда́ приидеши судити́, Христé Бо́же, вся́ческая со сла́вою, / от вся́каго изба́ви мя мучéния, / одесну́ю Тебе́, Влады́ко, сподо́бивый мя ста́ти.

Другий. Подобен: Жены́ услы́шите:

Се день грядéт Господа́ Вседержител́я, / и кто стерпит́ страх пришéствия óнаго? / День бо ярости́ есть, и печь горя́щая, во́нже Судия́ сядет, / и по достоя́нию дея́ний кому́жде отда́й.

Богородичен: Час испытáния, и страшнаго пришéствия Человеколóбца Влады́ки помышля́я, / весь трепéщу, и сéтуя, вопи́ю Ти: / Судие́ мой праведнейший, и еди́не Многомилóстиве, / ка́ющася приими́ мя Богорóдицы моли́твами.

**На хвалитех стихиры
воскресны Осмогласника 4, и анатолиев един,
и Триоди 4, глас 6. Самогласны.**

Стих: Хвалите́ Егó в кимвáлех доброгласных, хвалите́ Егó в кимвáлех восклицáния: / вся́кое дыха́ние да хва́лит Господа́.

Помышля́ю день óный и час, / егда́ ймамы вси́ на́зи и яко́ осуждéни, / неумы́тному Судий предста́ти, / тогда́ труба́ возшумит вельми́, / и основáния земли́ подвй́жятся, / и мёртвии от гробóв воскреснут, / и во́зрастом еди́нем вси́ б́дут, / и всех та́йная явлéнна предстанут пред Тобóю, / и возры́дают, и воспла́чутся, / и во óгнь кромéшный оты́дут, йже никогда́же пока́шася, / и в радóсть и весéлие, праведных жрéбий / вни́дет в черто́г Небéсный.

Стих: Исповéмся Тебе́ Господи́, всем сёрдцем моим, / повéм вся́ чудеса́ Твоя́.

О каков́ый час тогда́, и день страшный, / егда́ сядет Судия́ на престóле страшном! / Кни́ги разги́баются, и дея́ния облича́ются, / и та́йная тьмы́ явлéна бывáют, / ánгели обтека́ют, собира́юще вся́ язы́ки. / Приидите́, услы́шите ца́рие и кня́зи, раби́ и свобóдни, / грéшницы и праведницы, богáтии и ни́щии, / яко́ грядéт Судия́, хотя́й судити́ всей вселéнней. / И кто претерпит́ пред лицéм Егó, / егда́ áнгели предстанут облича́юще / дея́ния, помышлéния, и

мысли, яже в ноши и во дни? / О каковый час тогда! / Но прежде даже не приспееет кончина, / потщися зовущи душе: / Боже, обратив спаси мя, / яко един благоутробен.

Глас 8. Стих: Возвеселюся и возрадуюся о Тебе, / пою имени Твоему, Вышний.

Даниил пророк, муж желаний быв, / властительное Божие видев, сиче вопияше: / Судия седи, и книги разгнушася. / Блюди, душе моя, постыши ли ся? / Ближняго твоего не презри. / От брашен воздержши ли ся? / Брата твоего не осуждай, / да не во огонь отсылаема сгориши яко воск, / но да без потковения / введет тя Христос в Царствие Своё.

Глас 1. Стих: Воскресни, Господи Боже мой, да вознесется рука Твоя, / не забуди убогих Твоих до конца.

Предочистим себе, братие, царицею добродетелей, / се бо прииде, богатство нам благих подаючи, / страстей утоляет дмения, / и Владыце примиряет прегрешившия. / Темже с веселием сию прийдем, вопиюще Христу Богу: / воскресый из мертвых, неосуждены нас сохрани, / славословящия Тя единого Безгрешного.

Слава: паки тойже стих.

И ныне: Преблагословенна еси:

Славословие великое и отпуст. Таже, обычная лития в притворе, в нейже поем: Слава, и ныне, стихире евангельскую. Присовокупляем и час 1-й, в немже читается оглашение преподобнаго отца нашего Феодора Студита.

НА ЛИТУРГИИ

Изобразительная. И блаженна гласа, на 6, и от канона Триоди песнь 6, на 4.

Кондак Триоди, глас 1:

Егда приидеши, Боже, на землю со славою, / и трепещут всяческая, / река же огненная пред судищем влечет, / книги разгибаются, и тайная являються, / тогда избави мя от огня неугасимаго / и сподоби мя одесную Тебе стати, Судие Праведнейший.

Прокимен, глас 3:

Велий Господь наш, и велия крепость Его, / и разума Его несть числа. Стих: Хвалите Господа, яко благ псалом, Богу нашему да усладится хваление.

Апостол к Коринфяном, зачало 140.

Братие, брашно нас не поставит пред Богом: ниже бо аще ямы, избыточествуем, ниже аще не ямы, лишаемся. Блудите же, да не како власть ваша сия претковение будет немощным. Аще бо кто видит тя, имуща разум, в третищи возлежаща, не совесть ли его немощна сущи созиждется идоложертвенная ясти? И погибнет немощный брат в твоём разуме, егоже ради Христос умре. Такоже согрешающе в братию, и биюще их совесть немощну сущу, во Христа согрешаете. Темже аще брашно соблазняет брата моего, не имам ясти мяса во веки, да не соблазну брата моего. Несмы ли апостол? Несмы ли свободь? Не Иисуса Христа ли Господа нашего видех? Не дело ли мое вы есте о Господе? Аще убо иным несмы апостол, но убо вам есмь. Печать бо моего апостольства вы есте о Господе.

Аллилуиа, глас 8.

Стих: Приидите возрадуемся Господеви, воскликнем Богу Спасителю нашему. Стих: Предварим лице Его во исповедании, и во псалмех воскликнем Ему.

Евангелие от Матфея, зачало 106.

Рече Господь: егда придет Сын Человеческий в славе Своей и вси святии ангели с Ним, тогда сядет на престоле славы Своея. И соберутся пред Ним вси языцы, и разлучит их друг от друга, якоже пастырь разлучает овцы от козлищ. И поставит овцы одесную Себе, а козлища ошуюю. Тогда речет Царь сущим одесную Его: приидите, благословеннии Отца Моего, наследуйте уготованное вам Царствие от сложения мира. Взалкахся бо, и дасте Ми ясти: возжадохся, и напоите Мя: странен бех, и введоште Мене. Наг, и одеяште Мя: болен, и посетите Мене: в темнице бех, и приидоште ко Мне. Тогда отвещают Ему праведницы, глаголюще: Господи, когда Тя видехом алчуща, и напитаем; или жаждуща, и напоим? Когда же Тя видехом странна, и введохом; или нага, и одеяхом? Когда же Тя видехом боляща, или в темнице, и приидохом к Тебе? И отвещав Царь речет им: аминь глаголю вам, понеже сотвористе единому сих братий Моих меньших, Мне сотвористе. Тогда речет и сущим ошуюю Его: идите от Мене, проклятии, во огнь вечный, уготованный диаволу и ангелом его. Взалкахся бо, и не дасте Ми ясти: возжадохся, и не напоите Мене. Странен бех, и не введоште Мене; наг, и не одеяште Мене; болен и в темнице, и не посетите Мене. Тогда отвещают Ему и тии, глаголюще: Господи, когда Тя видехом алчуща, или жаждуща, или странна, или нага, или больна, или в темнице, и не послужихом Тебе? Тогда отвещает им, глаголя: аминь глаголю вам, понеже не сотвористе единому сих меньших, ни Мне сотвористе. И идут сии в муку вечную, праведницы же в живот вечный.

Причастен: Хвалите Господа с Небес, хвалите Его в Вышних. **Другий:** Радуйтесь, праведнии, о Господе, правым подобает похвала. Аллилуиа, трижды.